


卷二十二

廣文選卷第一



書名 廣文選八十二卷 嘉靖十二年序刊本
撰者 明 劉節 輯
卷 卷二十二
內容分類 集-總集-詩文
索書號 大木-集部-總集類-3

編號 D7920300

彩色首頁1

東洋文化研究所漢籍目錄 編號: D7920300

東洋文化研究所漢籍目錄所藏漢籍善本文影像資料庫 索書號: 大木-集部-總集類-3

漢籍善本文影像資料庫文本 廣文選八十二卷 嘉靖十二年序刊本

版權所有: 東京大學 東洋文化研究所

使用上的注意事項

天地廣

天地賦

成公子安

明通議大夫都察院右副都御史大庾劉節廣



惟自然之初載兮道虛無而玄清太素紛以溷淆兮始
有物下而混成何元一之芒昧兮廓開闢而著形爾乃清
濁剖玄黃判離太極既殊是生兩儀星辰煥列日月
重規以尊地靜以卑昏明迭炤或盈或虧陰陽協
氣而寒暑隨時而推移三才殊性五行異位千變
萬化度類授之以形稟之以氣色表文采聲有音
方流形品物鼓以雷霆潤以慶雲八風翱翔

虹梁照曉日，淥水泛香蓮。如何十五少，含笑酒壚前。花將面自許，人共影相連。回頭堪百萬，價重為時年。

怨詩行

陶淵明

天道幽且遠，鬼神茫昧然。結髮念善事，僶俛五十一作六年。弱冠逢世阻，始室喪其偏。炎火屢焚如，螟蠹恣中田。風雨縱橫至，收斂不盈廛。夏日長抱饑，寒夜無被眠。造夕思鷄鳴，及晨願鳥遷。在已亦何怨，一作何離憂悽目。怨天前吁嗟，身後名於我若浮煙。慷慨激一作悲歌，鍾期信為賢。

廣文選卷第二十一

廣文選卷第二十一

明通議大夫都察院右副都御史大庾劉節廣

詩

樂府五

君子有所思行

謝靈運

總駕越鍾陵，還顧望京畿。躑躅周名都，遊目倦忘歸。市鄠無阨室，世俗有高闈。密親麗華苑，軒薨飾通達。孰是金章樂，諒由燕趙詩。長夜恣酣飲，窮年弄音徽。盛往速露隊，哀來疾風飛。餘生不歡娛，何以竟暮歸。寂寥曲肱子，瓢飲療朝饑。所秉自天性，貴富豈相譏。

悲哉行

謝靈運

萋萋春草生，王孫遊有情。差池驚始飛，天梟柳始榮。灼

灼桃悅色飛飛驚弄聲
幃上雲結陰澗下風吹清
幽樹雖改觀終始枉初生
松蔦歡蔓延樛葛欣蘩榮
眇然遊宦子晤言時未并
鼻感改朔氣眼傷變節榮
侘祭豈徒然澶漫絕音形
風來不可托鳥去豈爲聽

折楊柳行 二首

謝靈運

鬱鬱河邊樹青青野田草
舍我故鄉客將適萬里道
妻妾牽衣袂技淚沾懷抱
還拊幼童子顧托兄與嫂
辭訣未及終嚴駕一何早
負笻引文舟饑渴常不飽
誰令爾貧賤咨嗟何所道

騷屑出穴風揮霍見日雪
颼颼無久搖皎皎幾時潔
未覺泮春冰已復謝秋節
空對尺素遷獨視寸陰滅
否桑未易繫泰茅難重拔
桑茅迭生運語默寄前哲

善哉行

謝靈運

陽谷躍升虞淵引落景
曜東隅晚西薄三春燠敷九
秋蕭索涼來溫謝寒往暑却
居德斯願積善嬉謔陰灌
陽叢凋華墮萼歡去易慘悲
至難鑠激涕當歌對酒當
酌鄙哉愚人戚戚懷瘼善哉
達士滔滔處樂

上留田行

謝靈運

薄遊出彼東道上留田
薄遊出彼東道上留田
循聽一何轟轟上留田
澄川一何皎皎上留田
悠哉瘍矣征夫上留田
悠哉瘍矣征夫上留田
兩服上阪雷遊上留田
舫舟下游颼驅上留田
此別旣久無適上留田
此別旣久無適上留田
寸心繫枉萬里上留田
尺遠遵此千夕上留田
秋冬迭相去就上留田
秋冬迭相去就上留田

素雪紛紛鶴委上留田清風颼颼入袖上留田歲云暮
矣增憂上留田誠知運來詎抑上留田熟視年往莫留
上留田

燕歌行

謝靈運

孟冬初寒節氣成悲風入閨霜依庭秋蟬噪鷺棲楹念
君行後怨邊城君何崎嶇久徂征豈無膏沐感鸛鳴對
君不樂淚沾纓關牕開幌弄秦箏調弦促柱多哀聲遙
夜明月鑒帷屏誰知河漢淺且清展轉思服悲明星

長歌行

謝靈運

倏爍夕星流昱弈朝露團粲粲烏有停泫泫豈暫安徂
齡速飛電積節驚驚湍覽物起悲緒顧已識憂端朽貌
改鮮色卒容變柔顏變改苟催促容色烏盤桓疊疊衰
期迫靡靡壯志闌旣慙藏孫愧復愧揚子歎十陰果有
逝尺素竟無觀幸賒道念戚且取長歌懽

隴西行

謝惠連

運有榮枯道有舒屈潛保黃裳顯服朱黻誰能守靜棄
華辭榮窮谷是處考槃是營千金不迴百代傳名厥包
者抽忘憂者萱何為有用自乖中原實摘柯摧葉殞條
煩

猛虎行

謝惠連

貧不攻九疑王倦不憇三危峯九疑有或號三危無安
容美物標貴用志士厲竒蹤如何抵遠役王命宜肅恭
伐鼓功未著振旅何時從

善哉行

謝惠連

涼來溫謝寒往暑卻陰灌陽藂彫華墜萼擊節當歌對
酒親酌鄙哉愚人戚戚懷瘼善哉達士滔滔處樂

塘上行

謝惠連

芳草秀凌阿菲質不足營幸有忘憂用移根託君庭垂
顙臨清池擢彩仰華蕞霑渥雲雨潤歲蕤吐芳馨願君
春傾葉留景惠餘明

燕歌行

謝惠連

四時推遷迅不停三秋蕭瑟葉解輕飛霜被野鴈南征
念君客遊羈思盈何為淹留無歸聲愛而不見傷心情
朝日潛輝華燈明林鵲同栖渚鴻并接翮偶羽依蓬瀛
仇依務類相和鳴余獨何為志無成憂緣物感淚沾纓

鞠歌行

謝惠連

翔馳騎伯樂不舉誰能知南荆璧萬金貫下和不斲與
石離年難留時易隕厲志莫賞徒勞疲沮齊音溺趙吹
匠石善運郢不危古綿眇理參差單心慷慨雙淚垂

相逢行

謝惠連

行行卽長道道長息班草邂逅賞心人與我傾懷抱夷
世信難值憂來傷人平生不可保陽華與春渥陰柯長
秋槁心慨榮去速情苦憂來早日華難久居憂來傷人
諄諄亦至老親黨近卹庇昵君不常好九族悲素霞三
良怨黃鳥邇來白卽頽憂來傷人近繕潔必造水流理
就濕火炎同歸燥賞契少能諧斷金斷可寶千計莫適
從萬端信紛繞巢林宜擇木結友使心曉心曉形迹略
略邇誰能了相逢旣若舊憂來傷人片言代紵縞

悲哉行

謝惠連

羈人感淑節，綠感欲回沉。我行詎幾時，華實驟舒結。覩實情有悲，瞻華意無悅。覽物懷同志，如何復乖別。翩翩翔禽羅，關關鳴鳥列。翔禽常疇偶，所歎獨乖絕。

相逢狹路間

孔欣

相逢狹路間，道狹正踟躕。如何不群士，行吟戲路衢。輟步相與言，君行欲焉如。淳朴久已凋，榮利迭相驅。流落尚風波，人情多遷渝。勢集堂必滿，運去庭亦虛。競趨嘗不暇，誰肯眷桑樞。無爲肆獨往，只將困淪胥。未若及初九，携手歸田廬。躬耕東山畔，樂道詠玄書。狹路安足遊，方外可寄娛。

從軍行

顏延年

苦哉遠征人，畢力幹時艱。秦初略揚越，漢世爭陰山地。廣旁無界崑，阿上虧天嶠。霧下高鳥冰，沙固流川秋。颯冬未至春，液夏不涓閏。烽指荆吳胡，埃屬幽燕橫。海咸飛驪絕，漠皆控弦馳。檄發章表軍，書交塞邊接。鎬赴陣首卷，甲起行前羽。驛馳無絕旌，旗晝夜懸。卧伺金析響，起候亭燧烟。逖矣遠征人，惜哉私自憐。

寒夜怨

陶弘景

夜雲生，夜鴻驚。淒切嘹唳傷夜情，空山霜滿高壘平。鉛華沈照帳，孤明寒日微。寒風緊，愁心絕。愁淚盡，情人不勝怨。思來誰能忍。

白馬篇

鮑明遠

白馬駢角弓，鳴鞭乘北風。要途問邊急，雜虜入雲中。閉

壁自往夏清野徑還冬僑裝多闕絕旅服少裁縫埋身
守漢境沉命對胡封薄暮塞雲起飛沙披遠松含悲望
兩都楚歌登四墉丈夫設計誤懷恨逐邊戎棄別中國
愛邀驥胡馬功去來今何道單賤生所終但今塞上兒
知我獨爲雄

煌煌京洛行

鮑明遠

鳳樓十二重四戶八綺牕繡桶金蓮花桂柱玉盤龍珠
簾無隔路羅幌不勝風寶帳三千所爲爾一朝容揚芬
紫烟上垂綵綠雲中吹回白日霜歌落遠塞鴻但懼秋
塵起盛愛逐衰蓬坐視青苔滿卧對錦筵空琴瑟縱橫
散舞衣不復縫古來共歇薄君意豈獨濃唯見雙黃鵠
千里一相從

君子有所思行

鮑明遠

西上登雀臺東下望雲闕層關肅天居馳道直如髮繡
蕩結飛霞璇題納明月築山擬蓬壺穿地類溟渤選色
徧齊代徵聲匝邛越陳鍾陪夕宴笙歌待明發年貌不
可還身意會盈歇蟻壤漏山阿絲淚毀金骨噐惡含滿
歎物忌厚生没智哉衆多士服理辨昭晰

空城雀

鮑明遠

雀乳四轂空城之阿朝拾野粟夕飲水河高飛畏鷓鴣
下飛畏網羅辛傷伊何言怵迫良已多誠不及青鳥遠
食玉山禾猶勝吳宮鷲無罪得焚窠賦命有厚薄長嘆
欲如何

行路難三首

鮑明遠

奉君金卮之美酒瑇瑁玉匣之彫琴七綵芙蓉之羽帳
九華蒲萄之錦衾紅顏零落歲將暮寒光宛轉時欲沈
願君裁悲且減思聽我抵節行路吟不見栢梁銅雀上
寧聞古時清吹音

瀉水置平地各自東西南北流人生亦有命安能行嘆
復坐愁酌酒以自寬舉杯斷絕歌路難心非木石豈無
感吞聲躑躅不敢言

劉蘂染黃絲黃絲歷亂不可治我昔與君始相值爾時
自謂可君意結帶與我言死生好惡不相置今日見我
顏色衰意中索寞與先異還君金釵瑇瑁簪不忍見之
益愁思

白紵歌六首

鮑明遠

朱脣動素袖舉洛陽少童年一作邯鄲女古欄綠水今白

紵催絃急管為君舞窮秋九月荷葉黃此風驅鴈天雨

霜夜長酒多樂未央

春風澹蕩俠思多天色淨綠氣研和含桃紅萼蘭紫牙
朝日灼爍發園華卷幌結帷羅玉筵齊謳秦吹盧女絃
千金雇笑買芳年

吳刀楚製為佩褱織羅霧縠垂羽衣含商咀徵歌露晞

珠屣一作履颯沓紈袖飛淒風夏起素雲迴車怠馬煩客

忘歸蘭膏明燭承夜暉

桂宮柏寢一作梁擬天居朱爵文牕韜綺疏象床瑤席鎮

犀渠雕屏鈿一作匣匣一作匣組帷舒秦箏趙瑟挾笙等垂璫散

珮一作綬綬盈王除停觴不語欲誰湏

三星參差露沾濕絃悲管清月將入寒光蕭條候蟲急
荆王流歡楚妃泣紅顏難長時易戢凝華結藻一作文
延立非君之故豈安集

池中赤鯉庖所捐琴高乘雲騰一作上天命逢福世丁
溢恩一作微命逢福丁溢恩簪金藉綺并曲遙思君厚德委如山
潔誠洗志期暮年烏白馬角寧足言

門有車馬客行

鮑明遠

門有車馬客問君何鄉士捷步往相訊果得遇一作舊隣
里悽悽聲中情慙慙增下俚語昔有故悲論今無新喜
清晨相訪慰日暮不能已歡戚競尋緒一作談調何終
止辭端境未究忽唱分塗始前悲尚未弭後戚方復起
嘶聲盈我口談言在君耳手跡可傳心願爾薦行李

淮南王

鮑明遠

淮南王好長生服食鍊氣讀仙經琉璃藥椀牙作盤金
鼎王七合神丹合神丹賜紫房紫房綵女弄明璫鸞歌
鳳舞斷君腸朱門九重一作朱城九重門九閨願逐明月入君
懷入君懷結君佩怨君恨君恃君愛築城思堅劔思利
同盛同衰莫相棄

北風行

鮑明遠

北風涼雨雪零京洛女兒多嚴妝遙豔帷中自悲傷沉
吟不語若為一作有忘問君何行何當歸苦使妾坐自傷
悲慮年至一作去慮顏衰情易復恨難追

朗月行

鮑明遠

朗月出東山照我綺窓前窓中多佳人被服妖且妍靚

妝坐帷裏當戶弄清絃鬢奪衛女迅體絕飛燕先為君
歌一曲當作朗月篇一作堂上朗月篇酒至顏自解聲和心亦
宣千金何足重所存意氣間

堂上歌行

鮑明遠

四坐且莫勿一作誼聽我堂上歌昔仕京洛時高門臨長
河出入重宮裏結友曹與何車馬相馳逐賓朋好容華
陽春孟春月朝光散流霞輕步逐芳風言笑弄丹葩暉
暉朱顏醜紛紛織女梭滿堂皆美人自我對湘娥誰謝
侍君開明妝帶綺羅箏笛更彈吹高唱好相和萬曲不
關情一作一曲動情多欲知情厚薄更聽此聲過

長相思

吳邁遠

晨有行路客依依造門端人馬風塵色知從何塞歸時
我有同樓結宦遊邯鄲將不異俗子分饒復共寒煩君
尺帛書寸心從此殫遣妾長憔悴豈復歌笑顏簷隱千
霜樹庭枯十載蘭經春不舉袖秋落寧復看一見願道
意君門已九關虞卿棄相印擔簦為同歡閨陰欲早霜
何事空盤桓

杞梁妻

吳邁遠

燈竭從初明蘭凋猶早薰扼腕非一代千載炳遺文貞
夫淪莒役杜帛結齊君驚心眩白日長洲崩秋雲精微
貫穹旻高城為隕墳行人既迷徑飛鳥亦失群壯哉金
石軀出門形影分一隨塵壤消聲譽誰共論

陽春曲

吳邁遠

百里望咸陽知是帝京邑綠樹搖雲光春城起風色佳

人愛華景流靡園塘側妍姿艷月映羅衣飄蟬翼宋王
歌陽春巴人長歎息郢鄭不同賞那令君愴惻生平重
愛惠私自憐何極

雙鵠篇

吳邁遠

可憐雙白鵠雙雙絕塵氛連翩弄光景交頸遊青雲逢
羅復逢繳雌雄一旦分哀聲流海內孤叫絕江濱豈不
慕前侶爲尔不及羣步步一零淚千里猶待君樂哉心
相知悲哉生別離持此百年命共逐寸陰移譬如空山
草零落心自知

擢歌行

吳邁遠

十三爲漢使孤劍出臯蘭西南窮天險東北畢地關岷
山高以峻燕水清且寒一去千里孤邊馬何時還延望
煙嶂外障氣鬱雲端始知身死處平生從此殘

長別離

吳邁遠

生離不可聞况復長相思如何與君別當我少年時蕙
華每搖蕩妾心長一作空自持榮之草木歡悴極霜露悲

富貴貌一作身難變貧賤顏易衰持此斷君腸君亦宜自

疑淮陰有逸將析羽不曾飛楚有扛鼎士出門不得歸
正爲隆準公仗劍入紫微君才定何如白日不爭暉

較獵曲

謝元暉

凝霜冬十月殺盛涼颯開原澤曠千里騰騎紛往來平
望煙合烈火從風回殪獸華容浦張樂荆山臺虞人
昔有喻明哲時戒哉

銅雀悲

謝元暉

落日高城上餘光入總帷寂寂深松晚寧知琴瑟悲

有所思

謝元暉

佳期期未歸望望下鳴機徘徊東陌上月出行人稀

邯鄲才人嫁為廝養卒婦

謝元暉

生平宮閣裏出入侍丹墀開筭方羅縠窺鏡比蛾眉初
別意未解去久日坐悲顛顛不自識嬌羞餘故姿夢中
忽髮髯猶言承讌私

王孫遊

謝元暉

綠草蔓一作夢如絲雜樹紅英發無論君不歸君歸芳已

歇

有所思

劉士章

別離安可再而我更重之佳人不相見明月空在帷共
徂滿堂酌獨斂向隅眉中心亂如雲寧知有所思

有所思

王元長

如何有所思而無相見時宿昔夢顏色階庭尋履綦高
歌更何已引滿終自期欲知憂能老為視鏡中絲

淶水曲

王元長

湛露改寒司文鶯變春旭瓊樹落晨紅瑤塘水初淶日
霽沙渚颯風動泉華燭遵渚泛蘭觴乘漪弄清曲斗酒
千金輕寸陰百年促何用盡歡娛王度式如玉

古別離

江文通

遠與君別者乃至鴈門關黃雲蔽千里遊子何時還送
君如昨日簷前露已溥不惜蕙草晚所悲道路寒君在
天一涯妾身長別離願一見顏色不異瓊樹枝兔絲及



水萍所寄終不移

烏生八九子

劉孝威

城上烏一年生九雛枝輕巢本狹風多葉早枯毳毛不自煖張翼強相呼金柝嚴兮翠樓蕭蕭蜃辟光兮椒泥馥虞機衡綱不得猜鷹鷲隼搏無由逐未顛共栖曾氏冠同瑞周王屋莫啼城上寒猶賢野間宿羽成翮備各西東丁年賦命有窮通不見高飛帝輦側遠託日輪終尚逢王吉箭猶嬰夏羿弓豈如變彩救燕質入夢祚昭公留聲表師退集幕示營空靈臺已鑄像流蘇時候風

臨高臺

沈休文

高臺不可望遠望使人愁連山無斷絕河水復悠悠所思駿何在洛陽南陌頭可望不可至何用解人憂

日出東南隅行

沈休文

朝日出邯鄲昭我叢臺端中有傾國豔顧影織羅紈幸有同匡好西仕服秦官寶劍垂玉具漢馬飾金鞍榮場類轉雪逸控寫騰鸞羅衣夕解帶玉釵暮垂冠

塘上行

沈休文

澤蘭被荒徑孤芳豈自通幸逢瑤池曠得與金芝叢旣美脩嫠女復悅繁華童夙昔玉霜滿日暮翠條空財殫交易絕華落色難終所願昭陽景時照長門宮

長歌行二首

沈休文

連連舟壑改微微市朝變來切嗣往迹莫武祖升彥局塗頓遠策留權限奔箭拊戚狀驚瀾循休疑回電歲去方願違年來苦心薦春貌旣移紅秋林豈停禱一倍茂

陵道寧思柏梁宴長戟兔園情未別金華殿聲微無惑
簡丹青有餘絢幽籥且未調無使長歌倦
春隰萋綠柳寒墀積皓雪依依往紀盈霏霏來思結思
結纏歲晏曾是掩初節初節曾不掩浮榮逐弦缺弦缺
更圓合浮榮未沉滅色隨夏蓮變能與秋霜耄道迫無
異期賢愚有同絕街恨豈云忘天道無甄別功名識所
識竹帛尋摧裂生外苟難尋吐為長歎設

梁甫吟

沈休文

龍駕有馳策日御不停陰星籥亟迴變氣化坐盈侵寒
光稍眇眇秋塞日沉沉高窓灰餘火傾河駕騰參飈風
折暮草驚竿霽層材時雲靄空遠淵水結清深奔樞豈
易細珠庭不可臨懷仁每多意履順孰能禁露清一唯
促緩志且移心京歌步梁甫歎絕有遺音

君子有所思行

沈休文

晨策終南首顧望咸陽川戚里遡層闕甲館負崇軒復
塗希紫閣重臺擬望仙巴姬幽蘭奏鄭女陽春弦共袪
紅顏日俱忘白髮年寂寥茂陵宅照曜未央蟬無以五
鼎盛顧嗤三經玄

白馬篇

沈休文

白馬紫金鞍停鑣過上蘭寄言狹斜子詎知隴道難赤
坂途三折龍堆路九盤冰生肌裏冷風起骨中寒功名
志所急日暮不遑飡長驅入右地輕舉出樓蘭直去已
垂涕寧可望長安匪期定遠封無羨輕車官唯見恩義
重豈覺衣裳單木持軀命答幸遇身名完

前緩聲歌

沈休文

羽人廣宵宴帳集瑤池東開霞泛綵靄澄霧迎香風龍
駕出黃苑帝服起河宮九疑輶煙雨三山馭螭鴻玉鑿
乃排月瑤較信凌空神行燭玄漠帝旆委會虹簫歌妙
羸女笙吹悅姬童瓊漿且未洽羽轡已騰空息鳳曾城
曲城景清都中降祐集皇代委祚溢華嵩


廣文選卷第二十二

江都葛澗校





所
圖
書



不 許 複 製

NOT TO BE REPRODUCED

東京大学東洋文化研究所